

SAMPYKKT

um takmörkun á hundahaldi í Laxárdalshreppi.

1. gr.

Hundahald í Búðardal sæti eftirfarandi takmörkunum:

- a) Eigandi skal án tafar láta skrá hund sinn á hreppskrifstofu. Við skráningu fær eigandi hundsins afhenta þar til gerða plötu með skráningarnúmeri hundsins og símanúmeri eigandans. Hún skal fest á ól sem ætíð skal vera um háls hundsins. Við skráningu skal hundeigandi undirrita yfirlýsingu um að hann skuli í einu og öllu fara með hund sinn eftir fyrirmælum þessarar samþykktar, eins og hún er nú og síðar kann að vera breytt.
- b) Eiganda er skylt að kaupa ábyrgðartryggingu hjá viðurkenndu tryggingarfélagi, þannig að tryggt sé að tryggingin taki til alls tjóns sem hundur kann að valda án nokkurra óeðlilegra skilyrða að mati hreppsnefndar.
- c) Óheimilt er með öllu að láta hunda ganga lausa, en heimilt er að hafa þá í taumi úti við, í fylgd með manni, sem hefur fullt vald yfir þeim. Eigi er heimilt að hafa með sér hund, þótt í taumi sé inn í skólahús, leikvelli, almennar skrifstofur, opinberar stofnanir, samkomuhús eða verslanir svo og starfsstöðvar hverju nafni sem nefnast, þar sem úrvinnsla, meðferð eða geymsla matvæla á sér stað.
- d) Hundeigendum er skylt að sjá svo um, að hundar raski ekki ró manna eða verði mönnum til óþæginda. Skylt er leyfishafa að fjarlægja saur eftir hundinn.
- e) Til að standa straum af kostnaði hreppsins af skráningu og eftirliti með hundum í Búðardal, skal hver hundeigandi greiða árlegt gjald til sveitasjóðs. Gjaldið greiðist fyrirfram við skráningu hundsins til næstkomandi marsmánaðar, og síðar árlega 1. mars fyrir eitt ár í senn. Hreppsnefnd ákveður árlega fjárhæð í gjaldskrá, sem heilbrigðismálaráðherra staðfestir. Af hundum sem blindir menn og öryrkjar þurfa á að halda vegna fötlunar sinnar, skal ekkert gjald greiða. Við greiðslu gjalds þessa ber hundeiganda að sýna váttryggingarskírteini, vottorð dýralæknis um að hundurinn sé ekki haldinn smitandi sjúkdómi, og hafi verið hreinsaður af bandormum, svo og öll skilríki sem máli skipta skv. lögum um hundahald og varnir gegn sullaveiki.
- f) Sé hundeigandi undir 16 ára aldri verður honum ekki veitt leyfi til hundahalds nema forráðandi ábyrgist allar skyldur hans samkvæmt samþykkt þessari og áriti sérstaka yfirlýsingu þar um.
- g) Ef sótt er um leyfi til að halda hund í sambýlishúsi, skal skriflegt samþykki sameigenda/stjórnar húsfélags í húsinu fylgja umsókn, sbr. lög nr. 59/1976 um fjölbýlishús og reglugerð nr. 280/1976.

2. gr.

Fyrir minni háttar brot á samþykkt þessari skal hundeigandi sæta skriflegri áminningu, og greiða allan kostnað sem leiðir af brotinu. Ef um ítrekað brot er að ræða eða meiriháttar brot hefur hundeigandi fyrirgert rétti sínum til að halda hund í Búðardal. Skal hann greiða allan kostnað vegna brotsins og afhenda hund sinn til lögreglu, sem síðan ákveður hvað skuli gert við hundinn.

3. gr.

Hundar úr aðliggjandi sveitum, sem ekki eru í fylgd með eiganda eða umráðamanni svo og aðrir ómerktir flækingshundar, skulu teknir úr umferð. Gefi eigandi sig ekki fram og/eda vitji ekki hundsins innan 3 daga hefur lögreglan heimild til þess að lóga viðkomandi hundi þegar í stað. Merktir hundar á flækingsi skulu einnig teknir úr umferð. Ef eigendur vitja þeirra ekki innan 3 daga og svara ekki til saka fyrir brot á samþykkt þessari, sé um slíkt að ræða hefur lögreglan heimild til þess að lóga hundinum án frekari fyrirvara.

4. gr.

Hreppsnefnd tilnefnir mann sem hefur með höndum framkvæmd samþykktar þessarar og skulu honum berast þær kærur tafarlaust, sem til kunna að vera vegna meintra brota á samþykkt þessari. Skal hann starfa í náinni samvinnu við heilbrigðisfulltrúa Vesturlands.

5. gr.

Sveitarstjórn er heimilt hvenær sem er að afturkalla leyfi fyrir einstökum hundum, eða öll veitt leyfi telji hún þess þörf.

6. gr.

Ofangreind samþykkt hreppsnefndar Laxárdalshrepps staðfestist hér með skv. 22. gr. laga nr. 81/1988, um hollustuhætti og heilbrigðiseftirlit, sbr. 1. gr. laga nr. 7/1953 um hundahald og varnir gegn sullaveiki, til þess að öðlast gildi þegar við birtingu.

Heilbrigðis- og tryggingamálaráðuneytið, 9. mars 1989.

Guðmundur Bjarnason.

Ingimar Sigurðsson.

AUGLÝSING

um breytingu á lögsögumörkum Akraneskaupstaðar og Innri-Akraneshrepps.

Á grundvelli 2. mgr. 3. gr. sveitarstjórnarlaga nr. 8/1986 hefur félagsmálaráðuneytið hinn 28. febrúar sl. staðfest breytingu á lögsögumörkum Akraneskaupstaðar og Innri-Akraneshrepps sbr. samkomulag dags. 16. desember 1988 milli framangreindra sveitarfélaga, sem hljóðar svo:

„Með vísan til samkomulags, dags. 3. mars 1982, milli Akraneskaupstaðar annars vegar og Innri-Akraneshrepps hins vegar vegna kaupa Akraneskaupstaðar á landi Fögrubrekku, sbr. kaupsamning dags. 4. júní 1980, eru sömu aðilar sammála um eftirfarandi breytingu á lögsagnarumdæmi sveitarfélaganna:

Mörk Akraneskaupstaðar og Innri-Akraneshrepps skulu ákvarðast framvegis af eftirtöldum línnum milli markpunkta með hnitum í hnitakerfi Akraneskaupstaðar frá 1987.

Punktur	X-hnit	Y-hnit	Heiti
1. Við ós Leynislækjar	7135331.9983	2449578.9906	372511
2. S.horn Ásfellstún	7135207.3583	2449627.4622	372512
3. S.horn við Traðarbakka	7135605.9097	2449982.5872	372513
4. SA.horn Fögrubrekcutún	7135433.0875	2450213.7310	372514
5. NA.horn Fögrubrekcutún	7136256.2502	2450822.8539	372515
6. NV.horn Fögrubrekcutún	7136443.4875	2450578.8412	372516
7. N.horn Lönguása	7137305.5192	2451302.6763	372517
8. SA.horn Garðasels	7137314.2927	2451527.7800	372518
9. Við Berjadalsá	7137453.5583	2451756.3547	372519
10. Horn v. Skilmannahrepp	7137674.7381	2452038.7102	372520